

فاتح دولابى

فاتح دولابى واقليه
دور حروفى المؤمنة
مالقيتش غير كم الالام
وحروف نيام متعفنة
وكلام كتير موش فالمحل
داير يسوق ف المسكنة
وحروف كتير سايبه المكان
فوق الرفوف متسكنة
وحروف بترفع لاجل تفضل
ف الامان متامنة
وحروف بتنصب عالخلايق
بكلام يضايق محزنة
وحروف بتكسر للسليم صنف
ولنيم منها الانا
وحروف سكون متعودة

عاصمت تقعد ساكنة
وحروف بياض وحروف
رماد وحروف م الاسود داكنة
وحروف غزل عفيف صريح
وحروف كمان متمكنة
حتى الحروف من كتر خوف
على كل لون متلونة